

دائرة مخصوصه

در سعادتده باب عالی جوارنده

محل اداره :

مستطابق

۱۲۲۶

اخطار :

مسلكمزه موافق آثار جديده مع المنونيه
قبول اولونو

درج ايديتهين آثار اعاده اولونو

ديره، فلسفه، علوم، حقوق، ادبيات و سياسيات و بالخاصه كرك سياسى و كرك اجتماعى و مدنى احوال و مشوره اسلاميه و در بحث ايدر و هفته ده بر نشر از انور.

آبونه بدلى

سنه لكى

ممالك عثمانيه ايچون	۶۵	۳۵	غروش
روسيه	۶۵	۳۰۵	روبله
سائر ممالك اجنبيه	۱۷	۹	فرائق

صاحب و مؤسسارى :

ابوالعلا زين العابدين - ح . اشرف اديب

تاريخ تاسيسى

۱۰ تموز ۳۲۴

در سعادتده نسخه سى ۵۰ پاره در

قبرله دن مقوا بورو ايله كوندريليرسه سنوى

۲۰ غروش فضله آلنير

آلدی ونی زبیره قارشى مجير اول ديه نيازده بولندی . عبدالمطلب ده موماليهي باباسى هاشمك ناسى اطعام ايچون آش پيشيرديكى بويوك قزانلرك بولديني محله كيزله دى . بر مدت اوراده قالدقن صوكر ا چيقوب كيمسنى امر ايتديسه ده حرب بر درلو جسارت ايدوب چيقامدى . ديدى كه نصل چيقا بيليرم . سنك يدى اوغلو ك قليجلرى اللرنده قابوده بگله يورلر . عبدالمطلب تبسم ايله كندى ردا سنى اكسا ايدررك خانه دن چيقاردى . اوغللرى بو حالى كورنجه بابالرينك حمايه . سنده اولديغنى اكلايدرق طاغديلر .

بو قصه ده بك صحيح و موثوقدر . حتى عبدالله بن عباس رضى الله عنهما معاويه حضرتلرينك انى خلافتده زيارتنه كن رؤساي عربه قارشى جدى حرب بن اميه ايله مفاخره صددنده صرف ايتديكى بعض كلياتنه بالمقابله « اوت ! جديكزك خيلى شان وشهرتى واردى . فقط قزانلر آرقه سنده كنديسنى كيزله دكن صوكر ا ردا سيله حمايه ايدن ذات هر حالده اونك فوقنده اولمق لازم كلير ظن ايدرم » بيورمش ومعاويه نى سكوته مجبور ايتمش ايدى . دو قنور دوزى بحق مستشرق اولسه بو قصه لره آكاه اولمق اقتضا ايدردى . عبدالمطلب نبي اكرم افنديم حضرتلرينى بك معزز ومكرم طوتار ، دائما موقع تعظيمده بولندورردى [۱] . بوكا سبب باعثده كرك ولادت سنيه دن اول ، كرك آندن صوكر ا علمائى اهل كتاب وكهنه عرب وارباب فراستدن آلدينى معلومات ، مشاهده ايتديكى اك واضح علامات وبالخاصه رؤيالرنده وقوع بولان تبشيرات اولوب هر زمان بو اوغلو ملك شانى عظيم اوله جق ، سايه سنده قوم عرب كسب ارتفاع ايدجهك در ديردى . عبدالمطلب — بالاده انبا اولنديغى اوزره — قوم قریش نظرنده غايت محترم ايدى . هر وقت كعبه معظمه اتصالنده كنديسنه مخصوص سرير وضع اولنور اساط ترتيب ايديلردى . بوتون عظماى قریش اطرافسه اجتماع ايدرلردى ، هيچ برى اونك يرينه كچمز ، مقامنه اوتورمازدى . نبي اكرم افنديمز هنگام طفوليتلرنده بعضاً كلير ، ناسى ياره رق جد ساميلرى ياننه اوتورلردى ، احياناً جدارندن اول او مقامى شريفله بساط مخصوصه قدمزن سعادت اولورلردى . بر دفعه عمو جهلرندن برى ممانعت ايدجهك اولدى . عبدالمطلب موماليهي زجر ايله اوغلو مه ايليشمه يك اونك قدرى هر كسك فوقنده در . بيوردى بعده كنديسنى آلوب ياننه اجلاس ، ظهر مباركلرينى مسح ايله عرض استيناس ايلدى .

پدرلرى حضرت عباسدن نقلاً عبدالله « رضى الله عنهما » شويله بيورمشلر . عبدالمطلبك حجر اسماعيل « ع . م » ده مفرشى « مفروشات ايله تزئين ايدلمش مقام مخصوصى » وار ايدى . حرب بن اميه وسائر اشرف قریش اونك جوانبنه ديزيليرلردى . هيچ برى مقام مشاراليه تجاوز ايتزدى . بر كون رسول ذیشان افنديمز كلوب طوغروجه اورايه جلوس بيوردى . حضاردن برى قولندن طوتوب قالديرمق [۱] دوزى ده بو حقيقتى انكار ايدمه يور . لكن اسباب موجب بياننه يناشه ميور . چونكه بوجهت مسلك غرضكاريسى ايله اصلا توافق ايتموره .

مطلع اولسى فسادنى منع ايلديكى كى [آمين] ده دعائى ، داعينك اجابتن خيبت و حرمانى انتاج ايدن فساددن منع ايتديكى مشعر در . ش . [آمين] كلمسى بالاتفاق قرأندن دكلدر ، لكن سورة كريمه او قوناقدن صكره سرتى وجهرى على الاطلاق صلاتده [آمين] دينامسى مسوندر . ق س . صلاة جهريه ده امام [ولا الضالين] ديدكده كرك كندوسى و كرك مؤتم سراً [آمين] ديرلر ، چونكه خواجه كائنات عليه افضل التحيات افنديم [اذا آمن الامام فآمنوا فان من وافق تأمينة تأمين الملائكة غفر له ما تقدم من ذنبه] بيورمشدر . امام شافعى حضرتلرى صلاة جهريه ده سراً تأمينه مخالفت ايلديكندن مذهب شافعيده امام ايله مؤتم صلاة جهريه ده جهراً [آمين] ديرلر — ملتقى شارحى داماد .

بركت زاده اسماعيل حقى

تم تفسير سورة الفاتحة



تاريخ اسلاميت

نام مستعاربله دو قنور « دوزى » نك تركيبه مترجم رسالده

قارشى رديه

— ۲۲ —

ابو سفیان « رض » ك پدرى حرب بن اميه خيلى زمان مشاراليهك ندیمی ایدی . مؤخرأ جوارنده بولنان بر يهودى مومى اليه حربى سب ايتمش اولغله حرب مزبورى قتل ايتديردى . بوندن طولايى عبدالمطلب حق جواره رعایتله حربدن يوزدوه آلوب مقتولاك عم زاده سنه ويردى وبردها كنديسيه كورشمدى ، كرمای عربدن مشهور عبدالله بن جدعانى ندیم اتخاذا ايتدى .

ايشته بو قصه ده عبدالمطلب حضرتلرينك امويلر عليهنه بيه نافذ الكلم اولسنه دليل اولوب دو قنور « دوزى » نك سردايتديكى ادعانك بطلا نى ميدانه چيقايرر . بوندن ده غريبي ده واردر . شويله كه نبي تيمدن بر رجل عقبه مناده حرب بن اميه به تصادفله كنديسنه تقدم ايتمش . قریشلر ايسه باجمعهم حربى تقديم ايله كنديلرى تاخر ايتمى عادت ايتمشلر مش . بوندن طولايى حرب رجل مزبوره خطاباً « بر كون سنى مكده كوررسم حديكى بيلديرم » ديمش . آره دن بر مدت مرور ايتدكدن صوكر ا تيمى مكه به كيرمهك مجبور اولوب حرب به قارشى نبي مجير اوله جق كيم واردر ديه صورمش ، عبدالمطلب بن هاشمدن باشقه كيمسه يوقدر جوابنى آلمشده كيجه وقتى كلوب عبدالمطلبك قابوسنى چاندى . زبير وغيداق نامنده كى اوغلارى قابونى آچهرق كنديسنى مجير اولديلر ، حمايه لرينه آلديلر ، ايراسى كون برلكده مسجد حرامه كيردكلرى انشاده حرب نى محابا تيمى به بر طوقات آتدى . « زبير » ده قليجنى چكرك حربك اوزرينه هجوم ايتدى . حرب فراره قدم باصهرق عبدالمطلبك خانه سنده صولوغى

مراد ایدنجه متأثر اولدی . آغلامغه باشلادی . عبدالمطلب باعث بکائی آکلاینجه « بو اوغلومه صناشمه یک ، نوردیده می نفسکزه قیاس ایتمه یک . اسم پا کیه تفرد ایدن بو اوغلوم مقتضای فطرتی اوله رق ذاتنده بر شرف فوق العاده حس ایدیور ، بنده او یله امید ایدرم که بنم محمد نه کندیندن اول ، نه ده کندیندن صو کرا کلن هیج بر عربینک ایرمه دیکی مقام سامی به ایره جک ، جمله مزه باعث فخر و مباحات اوله جق در « دیدی و آراق بوتوصیه وستایشدن صو کرا هیج کیمسه ممانعت ایتمز اولدی . هر نه وقت اورای نشریف ایتسه لر کورنار کندیسنه یول آچارلر ، نبی ذیشان بی پروا جد مبارک لری مقامنه کچر ، اوتور لر دی .

عبدالمطلب حضرت تترینک شان والارینی برقات ده اعلایدن خصائص عالیته نک بری ده حفر زمزم قصه عجیبه سی در .

بو خصوص ده بلا شبهه نبی آخر الزمان افندیز حضرت تترینک نبوت و رسالتیرینه مقدمه بشارت اولان ارهاصات جلیله جمله سندن معدوددر . چونکه بئر زمزم عمرو بن حارث جرهمی طرفندن املا اوله رق [۱] عصر لرجه معطل اولمش ، حتی یرینی تعیین ایدم جک براماره به بیله دسترس اولمغه امکان قالماش ایدی . رسالت محمدیه نک وقت ظهوری تقرب ایدنجه بعنایه الله بئر مذکورده ظاهر اولدی امام علی کرم الله وجهه افندیز دزدخی مروی اولان بو قصه ده عبدالمطلب حضرت تترینک رؤیای صالحه واسطه سیله [۲] آلدینی معلومات اوزرینه

[۱] عمر و مزبور رئیس اولدینی « جرهم » قبیله سی سفها سنک ارتکاب ایتمکده اولدقلری سیات ، قبائل سائره علیه لایق کوردکاری تجاوزات حسینله عاقبتلری وخیم ، جمله سی گرفتار عذاب الیم اوله جفتی ادراک واحساس ایتمسه مبنی برمدت کندیلرینه بذل نصایح ایتمش ، محافله خطبه لر او قومش . تأثیرات مطلوبه حاصل اولمادیغنی کورنجه کعبه معظمه به اهدا ایدلمش بولنان آلتوندن معمول ایکی عدد کیک هیکنی ، پک جوق قلیج ، قلفان وسائر اموال نفیسه بی اثنای لیلده ایچنه الفا ایله بئر زمزمی قاپامش ، کندیسنه متابعت ایدن افراد قلیله بی آلوب بمن دیارینه چکلمش ایدی . قالانلرک اوزرینه خزاعه قبیله سی مسلط اوله رق آز وقت ظرفنده جمله سنی مکهدن چیقاردی . بئر زمزمک حال و شانی ، موقع و مکانی بیله اونوتلدی کیتدی .

روایت اخرا ده بئر مبارک کئی املا ایله مکه مکرمه بی ترک ایدن عمرو اولیوب اوغلی مضاض « کتاب وزنده » نام کیمسه در . هر حاله وقعه صورت معروضه اوزره جریان ایتمشدر .

[۲] بورویا برقاچ کره تکرر ایتمشیدی . اولا متوالیاً اوچ کیجه غایت مهم اوله رق اشارت واقع اولدی . مقصد نه اولدینی آکلایله مددی . بئر زمزم اولا « طیبه » ثانیاً « بره » ثالثاً « مذنونه » نامیله یاد اوله رق حفریاتله اشتغال ایتمی امر اولدی . نهایت لیله رابعه ده (احفر زمزم انک ان حفرتها لن تندم وهی میراث من ابیک الاعظم لانترف ابداً ولا تدم تسقی الحبیج الا کرم) دیبه ایضاح مرام ایدلدی . یعنی زمزم قویوسنی حفرایت . سن اونی حفر ایدرسه نک ندامت کتیرمزشسک . اوقویو سنک پدر اعظمکدن « حضرت اسماعیل علیه السلامدن » میراثدر اونک صوبی اصلاً توکنمز ، حتی آزما لاز . آنکله حجاج کرام سقی واروا اولنور . بونک اوزرینه عبدالمطلب تعیین محله دال اوله جق علامت لری استفسار ایلش ، کندیسنه خطاباً « هی بین الفرت والدم عند قرية النمل حیث ینقر الغراب الاعصم » دینلمش ایدی . عبدالمطلب ایرتسی کونی او ائنده بکانه اوغلی بولنان حارث ایله برلکده هان تحریانه باشلایه رق (قرية النمل) ی ، قارنجه لرک مسکن انخاد ایتدکلری

بئر مبارک نک محلی بوله رق حارث نامنده کی اوغلی ایله برابر بالذات حفریات تمامیه اجراسیله میدان غلایته چیقارمش ، بو خدمت علیه سیله بوتون قلوب قبائلده حب وموالاتی قات قات آرتمش ، کندیسنی مغبوط انام اولدینی بومظهریت سایه سنده بالجمله رقباسنه غالب ککش اولدینی بوجه صراحت افاده قلمشدر .

(دوزی) نک « بک عصی المزاج وبک حرارتلی برقادین اولدینی آکلاییلان والددسی امینه » سوزی ده پک آچیتدن برافترای بارد ، اسناد مالم یکن قیلندن برکلام زائد اولدینی درکاردر .

بوتوصیف بی مغزو معنایی بورایه علاوه ایتمکدن اونک غرض فاسدی ایلریده ، « ۳۵ » رقیله مرهم صحیفه ده - سلطان ذیشان انبیا « علیه اکمل التحایا » افندیز حضرت لری حقه ده مترجم بی وایه دن باشقه کندیسنه متابعت ایدم جک بر مرد عاقل بوله میه جنی آشکار اولان اسناد جنت و صرعیه بر کریزگاه دسیسه وملعت اولمق اوزره - کستاخانه وسر سربانه بر ادا ایله « بو بر خیالات اندود ایدی . والده سنه چکدیکی ظن اولنان مزاجی صو ک درجه ده عصی ایدی . اکثر اوقاتده منموم ومتفکر ، بی آرام ایدی چونکه اونک بویوک شیلر حقه ده بر فکری یوق ایدی فقط احتشام بلاغت ایله جذب اولدینیغنی حس ایدیوردی دیبه صرف ایتدیکی هدایات ایچون برتقدمه ابله فریبانه تمهیدندن عبارتدر .

بواحق دو قنور « یریدون لیطفنوا نورالله بافواهم » فحوای حقیقت احتواسی حکمنجه انوار تابان اسلامی سوندرمک خولیای فاسدینه طوتولوب آنک بالاترین ثریا اولان مشکات منیر جهان آراسی قرارتمق املیه طاشلامق دیوانه لکنده بولنش ، دوشونه دوشونه بوله بیلدیکی ، ارتکابندن حیا ایتمدیکی بهتان عظیمی ده والده محترمه جناب رسالتناهی حقه ده ذره قدر مناسبت المیان ، هیج بر حال

محلی بولدی که اوراده اساف ایله نائله نام صنم لر ایچون قربان ذبحی معتاد بولندیجه جهنله فرث ایله دم آتاری نمایان ایدی . او صرعه بر « غراب اعصم » . غاغاسی و آیاقلری قیرمزی قارغه قوشی ده اورایه اینترک بری اشمکه مشغول اولدی . بونکه علامت لر تماماً تحقق ایلدی .

[علی قول « غراب اعصم » قارنی بیاض قارغه دیمکدرکه بالنسبه نادر الوجوددر . امام غزالی قدس سره (المرأة الصالحة فی النساء مثل الغراب الاعصم بین مائة غراب) حدیثی تفسیر صدندنه بوقوله حصر بیان ایتمشدر . یعنی زمزم نسوان ایچنده صالحه قادین یوز قارغه آره سنده نادرأ تصادف اولنان بیاض قارینلی قارغه مثالدر . اله کچنجه قیمتی بیلنملی در .]

بوعلامت لر ایله تعین ایدن محلی حفره بدء ایتدی لر ، برقاچ کون دوام ایدن حفریات اوزرینه مبارک قویونک کعبه جانبنده کی اجار مطویه سی ظهوره باشلادی تراید شوق ایله حفریات ایلریله دی ، دفن اولنان اشیای نفیسه برر برر اخراج اولندی . حتی چیقان کیک هیکلری برمدت کعبه به تعلیق اولمشیدی ، مؤخرأ اصاعه اوله رق اولنردن بیت شریفه آلتون قانی اعمال ایدلدی . بئر زمزمک نفوس طیبه به اختصاصه مبنی « طیبه » ، ابرار ایچون فیضان ایتمش ، منافع مبروره بی حاوی بولنمش اولسنه بناء « بره » ، مناقلرک اولدن نصیبی نایاب اولسندن طولایی « مذنونه » تسمیه قلدینی معلومدر . فی الحقیقه احادیث شریفه دلالت ایتدیکی اوزره او ماء مبارکدن خوشلانوب خوشلامق مؤمن ایله منافق بینتی فارق برعلامت ظاهره در . بوجه تکرره محل مناسبنده تدقیق اوله جق در . ۱ هـ

سراب آئینہ حق - بار انوار سیوف اولدی ،
بتون نظاره کوکاردن مؤبد لمعلر طولدی !



نه شرقك اضطرانندن ، نه غربك اعراضندن ،
نه خلقك آوزارندن ، نه ظلمك احترازندن ،
نه ملكك باری بر مغرور وشایان انقراضندن ،
نه حتی قهر حقك برظهور خدشه سازندن
بر اییدرها مفقود ایکن فکر سلامتده ،
بو اون تموز آجیلدی زایت اقبال امتده !



بو اون تموزه اولاد وطن جان ویرسه شایندر
که هر بر لمعه سندن برضیای حق خروشاندر ؛
بو اون تموزده ارواح شهیدان خاکه ریزاندر
که هر تربتده برکل - نجم حریت نمایاندر .
شفقلمر ، خنده لر انوار وارواح انیس و حار
طوتار آفاقی ، سه - آهنگ اولور اجنح انجم بار !



فضانك اذ مخوف ، اك دوزخی برقر نازنده ،
شیاطین سیاهك خونہ مستغرق دیارنده ،
بتون افکار نورك برج تار انكسارنده ،
یزیدك قانلی قویننده ، هلاکونك مزارنده
دیگلمش قالمش اورنك عقور دیو استبداد
یارلانندی بوکون غیایه دوشدی تا ابد برباد !



سن ای روز مبعجل ، چهره تابنده تاریخ
که هر آن سرورک بر مؤبد خنده تاریخ ؛
سن ای آن موقر ، انجلائی زنده تاریخ
که هر نفخ جانک فیض روح آئینده تاریخ !
سنگ الواح رنگا رنگ حسن واحتمامکه
طولان قلب وطن اعصاره فخر ایلر غرامکه !



شو سنجاقلر که اولمش هپ شواهدن نگاه آرا
بر امید آتی - بال و باضی - چهره درکویا ،
درخشان بر جمال معنوی هررایت حمرا
که تاجر ارلدن مظهر قدسیت مولی :
بوسنجاقلر شهیدان غزانک نور روخندن
تزهرا ایلمش کلخنده لر در لمعه بارشان !



بوسنجاقلر که تاریخ غرور و فخر ملتدن
قویان یاقوت - رنگ اوراق نجدتدر شهادت - تن ،
بوسنجاقلرده تابان چهره مستقبل روشن ،
هلال ونجممز هررایتک قویننده روح افکن ...

وحرکتیه تأیدی قابل اولیان براسناد جرءتکارانه ایله تقویه و ترویج
ایتدرمک زعم باطنه قابلمش اولیور که جرءت وسفالتک بودرلوسنه
طوغروسی بک نادر تصادف اولنمقدهدر .

متجاسر مرقومک « بک عصی المزاج و حرارتلی برقادین اولدیغی
اکلاشیلان والددسی ... » سوزی صرف کندی خیالخانه ججودانه -
سندن بی پروا اورتهیه آتمش برارجوفه تللیسکارانه اولوب بودرقتور
بی شعور دن اول بوافسانه بی نه دور جاهلیتده ، نه ده ادوار اخیردنک
برنده هیچ بر فرد درمیان ایتمه مش ، بویله براسناد باطلک ترویجنه
مدار اوله جق قیل قدر برزسیله بولمق امکانی کورلمه مش در .

والده مشارالیه جناب آمنه رضی الله عنهانک ترجمه حالنه
وقوفلری دکل ، بلکه طوغروجه براملا ایله اسم پاکنی یازمعه اهلیت
واقندارلری اولیان بومقوله مؤلف و مترجملر حدلرینی طاشیرمقله
کندیلرینی علمه مسخره ایتمکدن باشقه نه قزانه بیلیرلر . بیله مه یز ؟
اولسه اولسه لعنت ! ... « بزندن ده اولسون صد هزار »

مناسترلی اسماعیل حتی

کچن نسخه نك (۳۲۰) نجی صحیفه سنده (مشارالیهده) ، (غدوا) ،
(امتعه) ، (خالقیتده) کله لری سهوا (مشارالیهک) ، (عدوا) ، (متاع) ،
(خالقینک) طرزنده ترتیب ایدیلمشدر .



اون تموز !

خورق پاش انظار جهان ، مرآت روح افروز ،
قلوب خلقه حریت نمون و معدلت آموز ،
بروج تار استبداد ایچون محراق طاقتسوز ،
بتون یاد بلند قدرتیله کلدی اون تموز !
بوکون هرجهه بر مهر انلدر معکس وجدان ،
بوکون هر قابله جاری انجلائی رحمت یزدان .



بتون ملتوک تاریخ تابان سرورنده
تناهی ناپذیر ایلمی واردر ، هر ظهورنده
اوکونلر یارلار افکارک بلند امواج نونده ،
جهانلر برق اورر انسانلرک قلب غمورنده ،
طولار سمع حیته بیایدیر دن جانلی بر آهنگ ،
اورور وجه فضایه آسمانن شانی بر نیرنک ! [۱]



بومات الی عصرک ازدحام اضطراییله ،
بوملت قلب مجروحیه ، وجدان خرابیه ،
بوملت انجم امید روحک اغترابیله ،
یا ااردی آنجق آفاقده حریت سراپیه ؛

[۱] « نیرنک » مکر و سحر منالزندن ماعدا هیولا ورسم معنالیتهده
مستعملدر . بوراده مقصود اولان معناسی بالطبع رسم و صورتدر .